

秋集集卷三

詩二

冰井曲

讀張司空所撰岱史

奉贈

送哈佐領之朝鮮

曉登東嶺寄楊友聲次琢之韻

早春集錢虞仲齋

馬耳山中同姚琢之

作

聽高小乾話秦淮舊

事作

代姬人寄贈錢茂才

方叔

送巴公子之京

送錢丹季之松花兀喇

少年行

山中晚行至阿波屯宿 張坦公侍郎齋中觀

白蓮歌

早秋同錢子

秋夕同諸君飲張司空凭嵐閣

寄王總戎

送人至羗突里街

送友人還兀喇

阿波山中訪張子

自密將夜歸登舊寧古臺

黑林

郊行贈雁羣

夜飲色侍中宅卽事成咏

奉送大將軍按部海東

寄錢子方叔

張侍郎齋觀山水畫卷歌

卽事

上巳許康侯招同諸

君禊飲江上卽席分韻得年字

阿波山中呈安都統

渡混同江

送人之粵東

咏隣姬

曉行

與桐柏山人

奉送巴大將軍東征邏察

秋夜師次松花江大將軍以牙兵先濟竊於道

旁寓目卽成口號示同觀諸子

城東書感

曉望

送人歸遼東

寄友人

九月八日病起有懷宋旣庭計甫草因憶亡友

侯研德宋疇三丁繡夫

九日

奉寄陳相國素菴先

生

送使者之蒙古

與劉子良閱廣輿記因為予話隴外地形賦此

奉送安都統安集海東諸部因便道閱松花江

水軍

陪張侍郎坦公遊西

嶺

贈孔叟

遊西山蘭若二十韻

送米參領

寺樓曉望有懷

聞溪聲有感

送姚琢之赴兀喇

同友人夜飲即席作

歌贈之

八月十五夜望月作

登樓

九日登東山憶甲辰

此日同馮炳文侍御遊埭河上錢虞仲茂才
以五言長律相贈今馮錢皆逝溯懷疇昔情

見乎辭

野宿

寺樓雨望懷楊友聲

贈高生

山行有懷舊遊諸子

晚自鷄嶺崖至天龍

屯

寒食日作

芳樹

巫山高

銅雀伎

山中孺子妾

結客少年場

湘妃怨

長門怨

妾薄命

將進酒

採蓮曲

春曲

閨怨

與定之飲

早秋姬人有悲落桐

者感而賦此

贈張繡虎

同陳昭令遊西山道院

寄琢之

山夜觀打魚

奉送副都統安公之

烏龍江

與張繡虎飲

王定之過

置酒歌

登西閣

送友人

九日同德維雁羣兩同年西山登高

九月十二晚觀回獵賦贈薩君

寄琢之友聲

一藍岡夜行

秋日雜述五首

贈友

贈唐副帥

題淨公房

送人之榆關

獨行城東循山至白

崖

秋夜送卞書記赴軍

幕

同雁羣城南泛舟至

白崖口

密將山晚歸東陳衛

玉馮玉文

晚步原上

曉登天羅嶺東陳雁羣

西山閣晚眺

夜同諸君飲江亭

木丹山曉行

自木丹還城作

蒙古屯同雁羣晚眺

帳中示雁羣

冬至懷繡虎却寄

除夕

鷄嶺崖與主定之別

觀姬人入道歌

山中

帳夜

寄贈姜京兆定菴二

十韻

封祀長白山二十韻

秋箱集卷三

吳江吳兆騫漢槎氏著

水井曲

朔風吹合圍泉水六尺曾冰凍清泚皎潔偏臨壁甃
明岩亭已映銀床起隔二銀床影欲重流霜鑿月其
玲瓏光凝雲母深含景冷結琉璃半累空可憐少婦
爭朝汲錦靴顧步愁無力乍照青蛾玉鏡寒欲凭素
手晶闌濕日二攜羣幽怨多巖陰不散碧巖是義輓輻
宛轉霜絲綆泣向寒泉奈若何

讀張司空所撰岱史奉贈

司空雅博物愛撰名山志冷然塵外鑣自灑壺中字

採秀曾聞到石閭，抽毫已似窺金記。此日鞦韆，
愁側身梁父。憶前游，蒼茫日觀羣峯表。海色天雞，
十洲

送哈佐領之朝鮮

帽側溫貂繡，袷紅蹙金瓊。帶兩駢弓，平明車騎凌江。
發大雪旌旗度，漠空菟嶺天分。邊草外，熊津地，隔海
潮東。知君談笑，遐荒靜百戰，寧誇荀彘功。

曉登東嶺寄楊友聲次姚琢之韻

雙峯霜淨削，觚稜倚馬高。寒試一登曉，色迴添鵬嶺。
雪春風不拆，菟河水名汗。久擬淪屠釣，身廢空憐有。
愛憎鄉國茫，二徒極日圖。南誰道是，鯤鵬。

早春集錢虞仲齋

晴雪層巒灼簾牖文茵雜坐淹杯酒徑荒空見沒蓬蒿
春至何曾識花柳四座高談殊未休徘徊片月挂
城頭醉憑履履悲歌發忽憶西園舊日遊

馬耳山中同姚琢之作

薄暮岩林外飛花滿綠蕪已從青海戍空對白雲孤
身世歸鞍馬山河邈酒壚尙餘臨眺興未可慟窮途

聽高小乾話秦淮舊事作

秦淮昔全盛萬戶起江湖燈火真珠舫樓臺碧玉簫
黃塵愁北徙白首語南朝歷二升平事天涯夢已遙

代姬人寄贈錢茂才方叔

妾家高樓臨狹斜道金椎楊柳花銀鋪曉日流蘇
帳綺陌春風油壁車春風搖裔春光徧狂夫一去愁
相見裊二遙憐邊地桑飛二獨對文梁燕乳燕流鶯
曉夕聞綠錢生砌青氛氳塵鏡金繩四龍網空床珠
被雙鳳紋離房寂寞長多暇綺瑟瑤箏空夜二寶鬢
絲紹罷新梳翠眉連娟弛故書昨逢邊使自遼東聞
君萬里尙從戎刁斗三年出玄菟樓船百戰度烏龍
烏龍絕漠征行久離思徒悲笛中柳紫壇秋寒君自
知青漆春樓妾空守妾恨綿二思斷腸君行迢遞滯
羶鄉空覓生香寄韓掾空持團扇憶王郎惆悵容華
正三五年二紅粉坐啼妝

送巴公子之京

識君幾載安東幕，虎竹家聲擅沙朔。朝逐黃頭出射
堂，暮攜紅袖還鈴閣。塞上風光白雪霏，玉花小馬繡
障泥。金盤屢進黃羊炙，錦帶雙飛青鼠衣。父任爲郎
正年少，雅工漢語萃推妙。承恩健謁蘭臺宮，攬轡初
辭柳河微。公子乘春上苑遊，如雲祖帳擁鳴騶。鳳城
三月楊花滿，蹀躞金羈過御溝。

送錢丹季之松花兀喇

男兒好長征，結束事軍僑。鳴鞭欲何適，松花江路遙。
山雪北橫漠，河水西限遼。曉色帶歸雁，夜火驚鳴鵞。
千峰萬磧迷南北，送爾行三一。沾臆馬上驚蓬蓬，無那

飛笛中折柳長相憶

少年行丁未年作

少年便弓馬落魄無所憂自矜紫臺客愛作朱門遊
曾陪北部大部尉新事西京博陸侯三月春風滿京
國待詔期門執長戟銅駝街畔臂鷹歸金馬門前賜
衣出天書趣拜羽林郎腰間鏤帶黃金璫鸚武杯傳
仙液暖鷄鷄冠插翠綉長歸來塞外驅駟馬賓御如
雲曜原野落鵬都護掛車前射雉參軍候鈴下驕奢
直健徹侯家貧賤寧憐舊遊者海東健兒浴鐵衣沙
場幾度決重圍有功不解謁權貴戰如熊虎誰知之

山中晚行至阿波屯宿

不盡烟巒裏驅車日暮回一溪紅嶺戍十里及烽臺
獵火雲中出征途樹杪來寧知豺虎窟窟稅駕欲徘徊

張坦公侍郎齋中觀白蓮歌

高堂日暮收微雨坐對蓮潭不知暑簾櫳窈窕吹芳
菲召客看花酒如乳玉壺綺饌當軒開捲幔荷風面
面來花枝入座香欲動皎如月出臨瑤臺庭影離離
媚將夕池光汎灑凝珍席素裳欲逐鮮颺輕粉態愁
侵晚雲濕起坐高歌按採蓮笛聲寥亮驚四筵惆悵
邊寒易零落容華傾國誰相憐我家池館臨江甸灼
灼芙蓉照人面羅袖風微蘭漿輕金塘玉漱長相見
自從漂泊龍庭前斗柄秋風幾回變漾楫頻思滌水

洲聞歌尙憶朱樓讌舊國風流怨錦帆殊方星嶽
銀箭持觴酌我我豈違彈弦拂柱酣馳驅碧雲遙
月初上醉倚金鞍志却歸還憐公等京華去此地看
花更有誰

早秋同錢子

客遊心易悲岩栖秋早冽與子涉蕭辰含悽眺寥泬
寒波警洲渚空翠收岑樾盈盈散渚鴻槭槭下林葉
胡然淒序臨坐令韶景歇金膏空爾懷瑤華詎堪折
履霜方自今何以肆愉悅

秋夕同諸君飲張司空凭嵐閣

淒淒素尚邁悠悠清夜遲眷言命賓友攀閣相招攜

微雲歛綺霄陰籟虛丹厓暮花烟稍積沾條露始滋
銀河耿遙景金波淪素姿馮軒獨緬邈叩盤空悽而
邊候旣已寒秋華寧久輝且盡綠樽樂詎知支荆悲
懼宴未可常憂襟何由辭

寄王總戎

出戍君何恨新妝有莫愁金鞍衝塞曉玉袖度關秋
百戰餘紅粉孤征已白頭羶牆風雪裏應按小伊州
送人之羌突里街

颯沓黃驄去秋風動玉珂蒼茫支菟外落日滿金河
故壘鳴笳少晴原徒帳多年年候烽火愁唱破羌歌
送友人還元喇

輓輅余纔返嚴車爾復回愁將征戍淚重對別離杯
山勢侵長塞河聲咽舊臺北風哀角裏獨過白龍堆

阿波山中訪張子

石門棲隱處遙在白雲隈一徑穿岩入孤村倚澗開
秋嵐生薜荔陰雪洒莓苔爲問揚雄宅何人載酒來
自密將夜歸登舊寧古臺

清霜十里度烟縵月迴荒臺立馬看紫塞清秋增曠
莽絳河遙夜動波瀾心隨候雁鄉關遠淚入征笳道
路難肌力自憐乘障久無衣不復訝邊寒

黑林

黑林天險削難平唐將曾傳此駐兵形勝萬年雄北

極勲名異代想東征廢營秋鬱風雲氣大磧宵聞劍
戟聲歷二山川攻戰地只今旌甲偃邊城

郊行贈雁羣

城北城南千樹林斷烟衰草日蕭森白山冰雪秋將
暮黑水風雲晝欲陰龍笛三年吹客淚鴛機萬里寄
邊心招邀漫極江臯日憔悴終傷澤畔吟

夜飲色侍中宅卽事成咏

列伎褰華幕留賓啓畫堂共彈盧女曲莫厭次公狂
倚扇青蛾好行杯翠袖長今宵銀燭底不信是沙場
奉送大將軍按部海東

玉勒動珠幘旌旗遠蕭紛鳴弓行積雪飛蓋入邊雲

屬國鮫魚部佳兵鷲鶴羣海東三萬里笳吹日傳聞

寄錢子方叔

蘋萍植洪濤從風自糾結之子在遐陬驅車日登涉
君行若崇朝緘阿已三闕托身非故鄉敢憚長乖別
盛秋霜朔寒嚴飈素肌裂山高不可凌况乃無裘褐
平沙邈無津曾冰慘難轍未知歸國期且復履邊雪
盛年委榛莽壯氣盡羈紲一奏式微篇空令心斷絕

張侍郎齋觀山水畫卷歌

張公靜者流蕭然寡塵慮昨出名山圖知愛滄洲趣
粲二統素色歷二烟霞峯彷彿草堂上坐對松岩風
樛枝龍從倚山閣似有樵聲出雲壑瑤草萋二暖欲

生石華濛二寒不落澗邊接飲垂清猿林上將雛引
雙鶴聞君昔憇嵩丘山紫翠岩庭縹緲間手倚鳳笙
坐磐石雙二玉女芙蓉鬢竭來塵世空茫然矯首仙
城不可攀却顧丹青意恹恹十載關山倦輪鞅回崖
疑入天壇松懸瀑如聞石淙響滿眼林泉故國遊憐
君丘壑舊風流鄭虔漫自矜三絕張載惟應儼四愁

卽事

龍沙飛雪中夜驚徼巡刁斗寒無聲少年盜符出鈴
下關門未曉雞爭鳴追騎如雲促嚴鼓烽埃連天斷
行旅此去寧逢漁丈人間行且逐奴甘父匹馬邊程
白草枯崎嶇何日達飛狐應知天地容亡命擊筑還

過舊酒壚

上巳許康侯招同諸君禊飲江上卽席分韻

得年字

近郭林巒淨野烟佳辰車騎徧晴川
乘蘭禊事仍三日拜柳軍僑已十年
寒雪漸消貂去後春風不在雁歸前
流澌處二滄江裏欲泛清觴倍惘然

塞外以貂入深
山爲雪消之候

阿波山中呈安都統

暮雲岩徑逶迤峩峩初柳山橋送客過
未見風沙開玉帙漸看冰雪霽金河春
深絕徼歸鴻少日下荒原牧馬多欲逐
車塵誇羽獵書生無那怯雕戈

渡混同江

江濤滾二白山來倚權中流極望哀襟帶黃龍穿磧
下劃分玄菟蹴關回部餘石罅雄風在地是金源霸
業開欲讀殘碑詢故老銘功無字蝕蒼苔

送人之粵東

辛丑年作

高楊葉未齊芳草色初碧春風搖玉鞭誰是南歸客
送君南去古交州瀆水遙連瀧水流珠出雞潮長不
夜花明鳶瘴未曾秋征南將吏銅牙弩君到王門見
歌舞賜橐應知動越王賦詩且復參蠻府蠻府迢二
五管分風流爭識沈休文五羊城畔如相憶好折梳
榔寄朔雲

咏隣姬

家臨苧蘿畔生小艷蛾眉嫁與沙場客飄零逐馬蹄
金鈿空自好玉筋只長垂宛轉盤龍鏡春來不忍窺

曉行

五國城邊月已微五國城中鳥未啼野昏溪水荒霧
積天寒磧路明星稀收馬前林踏霜徧手結征衣赤
鞵縮澗底斧冰響伏貂沙中捲幕驚鳴雁蹀躞孤鞍
拂曙行天涯何日盡邊程長城回望三千里一曲哀
歌白髮生

與桐栢山人

山人十年滯盧谷潦倒黃冠日行哭飛鶴徒憐托令
威射魚竟未從徐福回首雲霞空舊山蕭條邊戍幾

時還其嗟立朔冰霜苦那得丹砂更駐顏

奉送巴大將軍東征邏察

邏察一名老羌烏孫種也

烏孫種人侵盜邊臨潢通夜驚烽烟安東都護按劍
怒麾兵直度龍庭前牙前大校五當戶吏士星陳列
嚴鼓軍聲欲掃昆彌兵戰氣遙開野人部捲蘆葉脆
吹長歌雕鞬弓矢聲相摩萬騎晨騰響朱戟千帳夜
移喧紫駝二帳連延亘東極海氣冥濛際天白龍江
水黑雲半昏馬嶺雪黃暑猶積凍解沙飛山蒼茫大
積旌旗行屬國壺漿夾馬迎料知寇兵烏獸散何須
轉鬪摧連營

秋夜師次松花江大將軍以牙兵先濟竊於

道旁寓目卽成口號示同觀諸子

落日千旗大野平
回濤百丈權歌輕
江深不動龜鼉窟
塞迥先馳驃騎營
火照鐵衣分萬幕
霜寒金柝徧孤城
斷流明發諸軍度
龍水滔二看洗兵

城東書感

烟際出雙旌
霜崖滑未平
邊寒生遠障
海氣隱孤城
插羽方催粟
傳烽未罷兵
白頭沙塞客
流涕問東征

曉望

孤角荒臺上
寒旌獨戍間
雁聲秋滿磧
馬色曉彌山
霜雨淹時暮
兵戈滯客還
淒涼天畔眼
誰是玉門關

送人歸遼東

送爾驅征馬離亭葉已飛雲山三歲別風雨一人歸
積晚黃羊少關寒白雁稀蒼茫望遼海今日是王畿

寄友人

遙憶雞陵戍西連吐谷渾三秋兵未解百戰爾猶存
關塞分珠斗山河斷鐵門北方如可托且莫賦招魂
九月八日病起有懷宋旣庭計甫草因憶亡

友侯研德宋疇三丁繡夫

歲晚霜清木葉愁病餘逢徑愧淹留紫臺一別悲蘇
李青草頻年哭應劉歸夢關河長伏枕客心天地各
驚秋明朝誰是登高侶零落黃墟豈再遊

九日

龍沙不見成歸期抱病頻驚節序移白草征人千里
恨黃花故國十年思雪晴大野鷗飛迴水薄長河馬
度遲欲上荒臺愁極目雲山面面是天涯

奉寄陳相國素菴先生

卽用先生見寄原韵

昔歲從公別薊門短衣涕泪日雙痕誰憐阮籍居窮
路獨向平津感舊恩空磧冰橫秋未晏亂山沙起晝
長昏側身西望臨屯塞滿目寒雲斷客魂

送使者之蒙古

蹀躞青驪映紫駝飛揚丹旆擁雕戈離筵日暮簫笳
發絕塞年來戰伐多天盡邇林通鐵勒地從魚海入
銀河旃裘萬里歸持節定遠勲名未爾過

與劉子良閱廣輿記因爲予話隴外地形賦

此

九邊險絕稱秦隴抵掌輿圖此問君天轉黃河深圻
地雪晴紫寒鬱黍雲千年形勝三城繞一線關山六
郡分表裏莫談彌漢日蕭條泣盡故將軍

奉送安都統安集海東諸部因便道閱松花

江水軍

雉尾高牙落日懸雕鞬精騎北風前軍容直歷無雷
地戰氣初消盛雪天欵塞紫貂新屬國浮江赤馬舊
樓船遙知緩帶行邊處千帳繞歌擁玉鞭

陪張侍郎坦公游西嶺

碧雲日暮春縹緲林壑峩峩照春好晴靄遙分雁嶺
沙風光欲綠龍山草草色萋萋迷四野開笑攜筇屐共
登臺烟霽碧潭芳樹暖天清丹嶂夕嵐來夕嵐彩翠
紛瑤席岼憤行杯醉佳客北海何須怨子卿東山且
自陪安石酒罷還傳洗玉觴犢車歸路晚蒼蒼欲將
折柳羌人笛吹入春風憶故鄉

贈孔叟

孔叟俠者今白頭橫戈曾事當陽侯

崇禎中叟以副帥事揚州國嗣

十年困頓蠓螾塞五月不脫羔羊裘征南幕府久
零落猶復雄名動寥廓絕域魂銷白雁書沙場力盡
斑絲染擊衣不得心自哀置鉛無成目空矐

甲申冬
欲刺李

自成可憐喪亂識鳧毛敢道精誠生馬角萬里蒼茫
不克悲側身天地何時歸鄉夢已逃三楚道蠻烟休
故國悲側身天地何時歸鄉夢已逃三楚道蠻烟休
望九疑祠此日相逢把君手倚杖斑荆撫西缶感舊
應憐鬢上霜悲歌且酌尊中酒入關蕭永正漂零思
趙廉公已衰朽半酣起舞何慨慷俛眉歛跡空摧藏
丈夫失意會如此君今那必哀窮荒

遊西山蘭若二十韻

門禪分浩劫雙樹啓香津地湧龍沙古宮開鹿苑新
寶鈴流塞雨金刹照邊春窈窕丹檻合峻嶒碧嶂隣
下堂鐘送客歸院樹迎人仙梵消兵氣天花灑戰塵
瀑泉喧月曉山磬靜霜晨咒食聞禽下繡經見虎馴

果肥風破甲松勁雪生鱗座儼逢師子林應集雁臣
南宗壇卓錫西竺字函銀香散冰天畔僧歸沙海濱
嘯聲疑藥老碑製想王巾共道城爲化誰憐里是貧
白毫徒彷彿皂帽自逡巡已昧生還日空悲老去身
神人寧夢漢逐客未歸秦涕泪瞻慈像皈依請梵輪
猗林誰抖擻朔野此沈淪何日吳中寺長齋禮應真
送米叅領

詔書昨下麒麟殿敕勒將軍夜乘傳五校初歸左地
兵單車欲罷前庭戰送君萬里向樓蘭赭汗生駒七
寶鞍腰帶碎邪金錯麗耳衣舍利錦縫寒青冥亭障
千回轉白草川原日將晚積裏吹笳烟火稀雪中移

帳關山遠西望蒼茫使節過野營求水任明駝界標
鵬嶺餘殘壘路極龍沙見沃河二塞遙三逢候吏百
年甌脫誰爭地乍道軍回遮玉門須傳使者撓金七
瀚海蕭條正北流浚稽山畔朔雲秋遙知錦帳安西
部馬首爭迎博望侯

寺樓曉望有感

高樓簾幙俯江濶羈客相思獨倚欄鴉色半天凝積
曉雁聲七月動邊寒綠尊無處尋文舉皂帽何人識
幼安消息中原頻斷絕幾逢歸騎問桑乾

聞溪聲有感

何處溪流瀉潺湲三聽未窮數聲秋雨外一迳夕嵐中

寧復逢漁父空憐作塞翁扁舟何日去腸斷五湖東
送姚琢之赴兀喇

雪花昨夜度秋峯君去單車積幾重八月邊程依白
馬千年戰地出黃龍征衣卒歲何曾授旅食因人豈
盡供幕府只今勤遠戍敢將離思問重逢

同友人夜飲卽席作歌贈之

江色凍修夜雁聲斷清秋相攜飲沙瀨渺若凌滄洲
羯鼓逢二動孤戍懸火連延儼華炬冷二玉露搖寒
烟奕二銀河挂遙樹夜氣莽蕭森徘徊霜濕襟哀絃
激西氣促柱悽南音南音一曲肝腸絕憐君向隅淚
承曉蒙段鄉園隔瘴雲混同邊路驚秋雪賣瓜誰恤

故侯貧升輦猶悲侍中血當年出入驅隼旗可憐今
日行無車一馬之田日蕪穢數尺荒江身自漁漁釣
優悠且相樂擊筑吹簫亦不惡投荒聊復侶豺狼有
道田來在葵藿一作龍雙陳情感舊酒頻傾撫節高歌
月將落君不見五侯子弟半鉗奴負薪乞食嗟如何

八月十五夜望月作

大漠怨涼秋征人悲暮節日夕荒城思不怡却攬羊
裘步林樾遙野寒鵬驚古戍啼烏歇如何遠謫心獨
遡清宵月二出雁山中徘徊遠近同亭二初濯魄
霜欲盈空戰場極目天垂白蒼茫亭障凝邊色影入
鷹關路幾重光連龍積沙無極候騎營空刁斗寒明

駝帳冷旌旗濕一望旌旗巨朔邊幾回離別恨纏綿
金波不夜空千里玉塞傷秋又一年秋塞沈沈歲將
暮盈虧屢向愁中度明鏡蟾蜍只自飛大刀龍雀徒
相誤謾道邊心托鼓笳可憐客思淹霜露盈盈應照
去年人望二還迷舊鄉路舊鄉迢遞海雲端朱門此
夜正尋歡織手雕觴進浮蟻小腰綺帶引驚鸞銀閣
烟花秋未素玉屏歌吹夜將闌玉屏銀閣關山隔望
遠懷鄉淚頻積良讌空教感舊時清光祇自憐今夕
今夕天涯意轉悲拂廬落月霜深輝登高欲作劉琨
嘯裂帛誰將蘇武歸

登樓

八月霜風早寒
笳呶曉愁長
雲橫塞駝落日澹邊秋
意氣誰橫槩
蕭條只倚樓
空餘滄海思
十載滯鞵州

九日登東山憶甲辰此日同馮炳文侍御遊

馳河上錢虞仲茂才以五言長律相贈今

馮錢皆逝溯懷疇昔情見乎辭

蒼茫巖徑抱烟稠
落日攀登動昔愁
雁塞雲山低薄暮
龍沙冰雪亂清秋
銜杯彭澤仍佳節
吹笛山陽已舊游
三載夜臺人不見
空將沈醉哭西州

野宿

獵罷班聲夜磧空
千燈星亂擁元戎
金笳不動關山月
鐵騎長寒海戍風
自是嫖姚雄塞外
空慙孫楚在

軍中十年書劍長征慣
悵望深宵更倚弓

寺樓雨望懷楊友聲

北風吹雨色日暮徧江潯
木葉千山冷松陰百里深
樓臺紛遠日砧杵動離心
遙憶求羊徑蕭條孰爾尋

贈高生

高生家本宛溪溪當年曾許工
文史五年漂泊塞垣
秋夢斷江關八千里一戍天涯恨
不歸邊霜蕭颯摧
人肌金戈夜雪哀吹角錦石秋風憶
擣衣落魄行歌
空太息養雞牧豕無顏色
賃春廡下不見收斫屨山
前詎能識昨日逢君大道旁
頭須欲白神昂藏藜羹
不糝雜泥滓短衣無緒蒙雪霜
豈無高門與大第齷

擬何曾稱人意乞食難逢女子憐望塵易盡詞人氣
日暮荒郊行負薪歸來黔突欲生塵憐君更灑楊朱
淚予亦龍荒放逐人

山行有懷舊遊諸子

冰雪峻嶒帶遠川北風驅馬夕陽邊山晴曠望黃羊
積歲暮崢嶸白雁天少壯已過多難日風流空憶昔
遊年悲歌不盡鄉關思泣向沙場倍黯然

晚自雞嶺崖至天龍屯

迢遞回岡抱塞長暮雲歸路劇羊腸馬嘶古積寒沙
白鴉亂荒城落照黃病後關河空涕淚戰餘身世各
蒼茫客游不異松花水日夜滔天下北荒

寒食日作

昨歲從軍粟末城今年寒食尙行營
干戈祇益他鄉泪時序偏傷故國情
雪霽塞沙堪射兔天寒邊柳不聞鶯
年華已分沙場老敢向春風恨遠征

芳樹

春樹試春風飛花澹蕩紅縈烟垂砌
外揚彩入樓中葉暗鶯啼徧枝高月
度空有情憐蕩子流涕向芳叢

巫山高

白帝通巫峽黃牛對楚臺陽雲當日
夢暮雨至今來樹色連冬落猿聲接
曉哀高丘遺廟在想像珮環回

銅雀伎

愁殺望陵人年二漳水濱月沈銀海雁春斷玉衣塵
理曲縈紅態凝妝掩翠鬢殷勤羅綺意猶是昔橫陳

中山孺子妾

妖姬原易寵得奉玉階深荷妾鳴環麗當君倚瑟心
腰纖墮北里髮巧飾南金持謝宮中伴辛勤抱錦衾
結客少年場

家世扶風里英聲擅帝州結交憑喜怒馳俠辨恩仇
夜火藍田獵春鏹素澁遊橫刀千里去羞屬富平侯

湘妃怨

蒼梧渺何許迢迢隔湘岑帝子無還日江流空至今
亂猿傳晚嘯叢竹暖春陰何限懷君意悽其端瑟音

長門怨

君王憐鬢髮棄妾在長門自謝平陽舞難邀複道恩
塗黃思故愛破粉怨新痕寂二流蘇帳層楹又向昏
妾薄命

春色掖庭幽飛花落御溝可憐蟬鬢色長作翠蛾愁
妾夢依墉上君恩隔殿頭下陳曾未及誰信善筵篋
將進酒

絃管鬱金堂烏樓夜有霜玉羈邀上客羅袖出名倡
漏促銀虬咽尊浮綠蟻芳明朝歌舞處又擬向平陽
採蓮曲

倚楫淒潭空新蓮相映紅折莖愁刺密攬葍愛心同

錦纜明斜日羅衣逐晚風船回繁吹合爭入館娃宮

春曲

樹色迎韶月風光徧晚春柳迷調馬客花醉鬪雞人
被水羅裙艷縈山錦障新年二行樂處長在小平津

閨怨

樓外露初溥紅閨夜欲闌風微銀漏徹月迴玉繩殘
翠袂浮香薄羅衾裊淚單空將擣木恨迢遞夢皐蘭

與定之飲

憶汝城南別邊頭真正纏那知烽火後還共酒杯前
半嶺低殘照孤城隔暮烟但令長嘯傲敢恨滯歸年
早秋姬人有悲落桐者感而賦此

井梧妝閣畔秋至欲披離玉袖徒相惜金鸞只自吹
就衰悲晚葉抽景憶春枝縱抱咸池曲凋零豈見知

贈張繡虎

去年聞汝繫京華忽漫邊頭度玉騮昔去白衣悲擊
筑今來紅袖泣吹簫斷腸水咽三秋戍絕脈城遙萬
里沙誰道飄零非壯士姓名久已屬輕車

同陳昭令遊西山道院

新起琳宮俯北岑秋嵐天半靄沈二疎松日冷瑤壇
靜清磬風微碧殿深爲客久慚玄鬢影懷仙空寄白
雲心可憐百戰龍沙地猶得相將物外尋

寄琢之

驂驪鐵馬戰初還又見征車度遠山萬事總傷邊
塞外十年空老別離間秋風穹帳松花戍夜雪雕戈木
葉關一別天涯嗟歲晚回腸幾度大刀環

山夜觀打魚

東峯暮雲裏岩壑紛坡陀連山見野火隔浦聞漁歌
榆溪秋半綠冰合石梁夜深瀨鯉多岩下鮫宮百餘
尺椎冰張網那可得嫋二秋風吹早寒羊裘倚釣空
愁立

奉送副都統安公之烏龍江

安東亞將黃驄馬夜發旌旗宿烽下金笳吹雪起行
人銀鏑搖星照秋野遙三風旆捲平沙磧路陰沈極

望餘百轉青林蟠粟末雙流黑水接松花寒原獵火
懸軍度校尉行營在何處倚月弓開雁陣高連雲帳
繞鵬聲暮黑狐川畔驛亭開射鹿崖前候騎來此去
關山秋草徧行邊何日玉鞍迴

與張繡虎飲

十載一相見憐君氣未除天涯今夕會舊國隔年書
白髮邊愁裏青山戰哭餘不須悲異域能醉卽吾廬

王定之過

寥落穹廬外憐君日暮過雪聲空磧盛沙氣廢營多
戍久愁橫劍兵疲憶偃戈十年關塞淚南望意如何

置酒歌

臨潢城頭暮吹笛北斗闌干月將出金吾置酒坐北
堂銀鞍召客何輝煌織成罽幙芙蓉捲紫瑤新茵獸
文軟黃羊作饌堆金盤青驪桐酒揮犀椀庭前火照
明星稀凝笳急管紛相依錦衣如霧聲絳蔡寶刀拂
露光霏微須臾月東吐砮賓坐槌鼓還寒丹綺帷更
出紅妝女金鈿曜紫貂珠珪襲青鼠的皜芳脣歌便
娟細腰舞沈二芳夜闌惻二北風彈青蛾扇底蹙素
指絃上寒哀絃聲屢闕靈虬水頻咽但顧羅袖歡詎
惜珠纓絕酒闌華幕坐欲移徘徊落月秋河低錦鐙
車馬縱橫去應照香塵繞路飛

登西閣

高閣秋風蚤馮軒曉色分半空長白雪極目大龍
久戍應沈命孤征敢念羣還憐豪氣在長嘯學從
長白山在寧古之西高三百餘里夏有積雪于時屬錄紅旗

送友人

天涯方戰伐爾去欲何歸斜日傳離酌初寒到客衣
雲從鵬外落霜逐雁前飛惆悵衰楊色行人折已稀

霜後一日
雁即南飛

九日同德維雁羣兩同年西山登高

落日一尊酒長雲萬仞臺寒聲隨雁去秋色傍鵬來
烽火鄉書隔冰霜旅鬢催故園叢菊在零落爲誰開

九月十二晚觀回獵賦贈薩若

山晚初回獵江寒早渡冰
風旗收萬馬雪帳散千燈
拂劔君何壯鳴弦我未能
莫言狐兔盡側月有飢鷹

寄琢之友聲

昨歲登高日從君汎羽杯
只今千嶂裏猶憶百年臺
風景人將老江山客又來
殊方良會少俛仰獨餘哀

一藍岡夜行

亂峯斜豁月腫二堦火微明
隔嶺東孤障旌旗寒炤
雪嚴城刁斗夜臨風鳴弓盡
日隨邊馬裂帛何時寄
塞鴻朔漠自來爭戰地
欲將書劔一論功

秋日雜述

錄五

軍城遙倚萬峰開峯際浮雲繞堞迴
落日旌旗人出

宋方集卷三
戍秋風笳鼓客登臺黑林險入重關斷黃水深蟠火
漠來昨夜隔河新駐牧平安火色到龍堆

又

西山雜部古烏桓東極三城屈馬韓積雪四岨當塞
迴河水千里照關寒種榆尙識秦人地射柳空傳漢
將壇滿日沙場征戰後誰將耕鑿起彫殘

又

戍樓鞞鼓動嚴城朔塞山川鬱戰爭毛節未歸魚海
使羽書還下鐵關兵月高亭障千烽出雪照旌旗萬
馬鳴莫道瘡痕猶未起 廟謨今日重東征

又

送人之榆關

步君控弦兒家世陰沙外昔從弓高奚西歛雲中塞
戎錦騰裝靺鞨紅魚文雙服鳴雕弓碧毛氊帳五千
騎詔書分遣隸安東單馬曾穿白波壘一劔能誇黑
稍公自從上將沙場沒部曲分攜各南北木根山畔
不能歸粟末營前更驅役日逐何曾負■恩段氏寧
慙忘晉德汗馬驟驛長苦辛天涯轉戰白頭人玉劔
徒悲十年成鐵衣空盡九邊塵今年奉使長城去馬
首重尋舊時路河繞句驪候雁稀關開鴉鶻行人度
清霜七月草初黃篳篥聲中磧路長當時折戟秋原
徧一慟嫖姚舊戰場

獨行城東循山至白崖

涉江企往踪尋山隈遐軌孤遊豈不懷繁悲亦已弭
宛轡遵郊岐攀崖眺剡施曾陰靄平臯蒼烟引遙沚
林衣寒委綠岩霏暮凝紫遠鷗乍明沒驚麀或騰倚
披覽興徒牽逍遙思何已軫此羈邊情睠彼棲岩趾
躊躇我馬煩將從此羊子

秋夜送中書記赴軍幕

明燭映華纓檀槽雜鳳笙離筵開爛幕別騎動層城
四五金波夕三千玉塞程翻二阮書記名貴武剛營
同雁羣城南泛舟至白崖口

數里層城色超遙帶落暉欲乘孤櫂去祇訝舊遊非

江晚滄波淨山寒翠靄稀微霜邊候蚤愁攬薜蘿衣
密將山晚歸東陳衛玉馮玉文

獨往秋峯裏寥二遠度鐘燒痕依岸盡林影入江重
有恨空橫笛無家且賃春天涯烽火徧吾道竟誰容
晚步原上

柴扉猶返照樵徑已涼風暝色歸平楚秋聲落早鴻
交疎知客久身棄覺途窮惆悵年華晚吾將偕釣翁
曉登天羅嶺東陳雁羣

滄江碧嶂曉寒凝莽二雲山鬱幾層貂納四時靈白
雪魚龍九月蟄玄米放歌絕壑頻來往抱病窮邊獨
寢興多難漸看豪氣盡愧將湖海問陳登

西山閣晚眺

落日憑闌四望開
江流如帶抱山迴
雲林晴色秋橫
野雪嶺寒光晚照
臺萬里塞垣長放
逐百年鄉國未
歸來天涯此日無
衣容愁聽清砧處
二哀

夜同諸君飲江亭

秉燭邀賓到野亭
蒼烟白露滿前汀
金尊美酒還堪
醉玉笛哀歌不可
聽明月鮫宮江漢
二秋風漁火夜
冥二却愁塞水多
嗚咽欲泛扁舟且
復停

木舟山曉行

滄江晶淼帶長巒
拂霧宵征路轉難
一片關城秋色
動半空旌旆曙光
寒皂鵬風急聞弓
響白雁霜清度

角殘十載從軍今未返荷父愁更出樓關

自木丹還城作

蕭二征馬涉溪流颯二寒旌背驛樓萬里獨來天北
極十年空逐海西侯秋深城闕還悲角老去關山只
敵裘日暮登臺瞻大漠黑松黃草不勝愁

蒙古屯同雁羣晚眺

積烟山雪遠蒼茫落日層臺雁幾行殘壘迴連寒燒
紫穹廬遙壓暮沙黃邊書亂後應難達客鬢秋來各
已蒼漫道山川堪極目登臨無那是殊方

帳中作示雁羣

白草高原繞拂廬長天凝望意何如關山夜月悲龍

蘇利分集卷三
笛江海秋風隔雁書搖落漫驚時序改艱難空惜故人疎只今轉徙隨羊馬敢向長沙問謫居

冬至懷繡虎却寄

憐君經歲滯臨潢至日傳書怨路長雪嶺幾時歸遠戍冰天何處轉微陽蕭條晏歲長多病零落窮交各望鄉總是寸心灰死後難隨葭管一飛揚

除夕

寒燈相對恨如何攬鬢星星二愧漸多一歲尚憐今夕在半生空向異方過哀笳絕障虛傳警濁酒空廬且放歌漫道春光明日好寒天冰雪正差我

雞嶺崖與王定之別

不盡平蕪色蒼茫到海瀕烟生漁舍晚花發戰場春
亂後輕僑客兵餘重故人那堪離索恨回首見行塵

觀姬人入道歌

龍沙女子善歌舞紅顏的皪方三五自憐薄命失青
廬欲問長生歸紫府聞道餐霞生羽翰明璫聲繞步
虛壇舊着錦裙嬌試馬新吹玉管學駿鸞盤龍鏡斂
如雲髮羽服襪二屐輕雪已栽菡萏戴瑤冠尙掃麝
脂開寶曆降真火煖博山爐竊藥還能托片無白玉
帳寒憐扇幙青岑醴熟厭醅酥日暮然燈禮瑤席清
磬冷二滿空碧法曲能將漢語傳隱文自用秦書譯
寂二清關晝不開駐顏何處望蓬萊共憐飛雪金微

外更有明星玉女來

山中

山下長烟松檜林山家往二住層岑泉飛丹嶂秋嵐
濕葉下蒼溪晚徑深折芰每憐人獨坐采參時見客
相尋烟霞不少中原地十載殊方愧滯淫

帳夜

寫帳連山落月斜夢回孤客尙天涯雁飛白草年二
雪人老黃榆夜二笳驛路幾通南國使風雲不斷北
庭沙春衣少婦空相寄五月邊頭未着花

寄贈姜京兆定菴二十韻

昭代論才傑先生實擅場人宗瞻藝苑聊譽最巖廊

議國曾焚草承家本鈞璜夕郎青瑣闕京尹黑犀章
望久兼丁孔名今歷趙張官曹連鳳掖封域劃龍荒
沮水侵遼綠關雲帶 闕黃山川尊北鎮居守重南
陽其喜台衡逼還看竹帛光龍門延客峻馬帳說經
長儒雅耽柔翰風流凭隱囊探奇興不淺愛士勢偏
忘歲晏憐窮鳥天涯恤翳桑詩傳子卿嘗書到勿安
牀高義驅流俗微生愧激昂幸邀千里顧彌結九迴
腸恩重空銜涕情深漫自傷無家隨泛梗有賦獻長
楊何日仲良覩凌雲感 聖皇如能薦文似矯首望
楊莊

封祀長白山二十韻

配極神山峻修封。帝命崇金函新建。嶽玉檢此升。
中咸秩遵虞典。昌期答漢功。星軺瞻二使。雲燎視三
公。戴斗原承北。苞祗獨峙東。千年今值。聖萬歲昔。
聞嵩地接。與龍近天。開翥鳳雄。嗟峨分氣象。竄突關
鴻濛。五時儀還。陋三祠禮。自同宗禋。通盼蠻展。案契
昭融。圭璧陳緹。幣駢駒襲。錦幪日華。遙合扇雲。氣迴
成宮。列嶂輝瓊。雪雙流。且玉虹壯哉。符寶勢赫矣。麗
璇穹。仙靄凝巖。紫高霞鏡野。紅何須傳。縱雉已見。永
垂鴻芝木。祥侔岱粉。愉祀比豐。紫壇三望。徧絳節百
神通。運喜逢文命。壽懸獻所忠。聖皇長有道。靈秩
慶無窮。

題西曹雜詩

失名

辛未仲春僕三上長安寓居李北部松客邸閉門深
坐不問朝市事秋冬之際采菊剝蟹頗似江鄉賓主
相對脫畧禮法致足樂也偶得吳江吳漢槎孝廉西
曹雜詩秋笳集兩帙哀其負才淪落鈔以送日鈔旣
畢與王元倬先生南陔堂詩藏之枕函或謂漢槎與
元倬先生不侔元倬先生勝國遺逸操履善全南陔
堂詩感時觸事篇篇忠孝字字涕洟俾讀之者生黍
離麥秀之悲增鴟血猿腸之慘人傳詩傳固其所也
漢槎則流竄塞外其羈孤憂鬱紀述土風傷今弔古
諛貴求生摛詞雖工結衷實鄙顧何庸鈔鈔亦何庸

與南陔詩堂合置一處僕唯唯否否慨念文信國謝
信州家鉉翁鄭所南楊鉄崖倪元鎮諸公尙矣逮元
遺山薩都刺高青丘劉文成袁白燕徐幼文世亦未
盡非之僕第取其詩悲其遇至兩孝廉之志節行事
自隨時代先後未可一槩論之也或人不言而退

西曹雜詩卷四

吳江吳兆騫漢槎著

詩三

戊戌三月九日自禮部被逮赴刑部口占二律

四月四日就訊刑部江南司命題限韻立成

感懷詩八首呈家大人 聞有家信遂成

寄內二律 偶成二律

秋夜寄計甫草 答贈丁繡夫二首

寄懷袁文生黃平子二子

有感三律次陳子長韻 送人還江南

送姚子上還荊州 九日同陳子長飲分

得十五刪

卽席再用前韻答贈

子長

再和子長

感寄

夜坐柬子長

白頭宮女行

秋雁篇

冬日同子長賦限韻立成

冬夜同諸子飲方坦菴先生齋卽席賦呈

夜同子長過方婁岡學士賦贈

送張繡虎南行和陳相國

戊戌除夕偕諸子集陳素菴先生齋卽席同直

方子長賦

己亥正月朔夜同子

長小飲口占

人日同子長賦

答贈陳子長

正月九日望月嗣子

元夕同直方子長賦

春雪篇

感示子長

閏三月朔日將赴遼

左留別吳中諸故人

西曹雜詩卷四 序

非騫丘樊幼生菰蘆下士弱齡有意總角知名才愧
臨川蚤擅芙蓉之譽年同僧孺卽傳芍藥之篇漢代
三君長其聲價江東二俊許以追攀旣而擢秀蕪林
含毫鎖院自慚庸薄猥造賢良江頭艤榜京尹問孝
廉之舡道上鳴鑣 君王命上計之吏豈知新粧始
竟便嫉揚蛾嘉卉初繁遠逢鳴鳩孝子有掇蜂之懼
賢人生市虎之悲直比朱絲乃見嫌于曲木貞如白
璧忽致隳于緇塵成是南箕構茲北寺江文通之就
吏傷心謗缺之間范滂博之拘囚慷慨棘木之下夏
臺日暗疇惜賢蒙貫索星高竟災文士望慈闈于天

西華雜詩卷四
一
際白髮雙悲憶少婦于樓中紅顏獨倚絨冤情而莫
訴抱幽憤以誰知嗚咽銀箏空寄思鄉之調淒涼石
闕難傳羈客之情爰寄托于篇章聊自陳其胸臆南
冠柔曲泣鍾儀之士風西陸蟬聲庶駱丞之慨咏詩
成雜體情比四愁云爾

戊戌三月九日自禮部被逮赴刑部口占二

律

倉黃荷索出春官撲目風沙掩淚看自許文章堪報
主那知羅網已摧肝宛如精衛悲難盡哀比啼鵲
血未乾若道叩心天變色應教六月見霜寒

其二

庭樹蕭蕭二暮景昏那堪縲紲赴園門銜冤已分關三
木無非何人叫九關腸斷難收廣武哭心酸空訴
鵠亭魂應知聖澤如天大白日還能照覆盆

四月四日就訊刑部江南司命題限韻立成
自嘆無辜繫鷄鳩丹心欲訴淚先流才名夙昔高江
左謠詠于今泣楚囚闕下鳴鷄應痛哭市中成虎自
堪愁聖朝雨露知無限願使冤人遂首丘

感懷詩八首呈家大人

棘寺陰沈樹色長故園何處淚沾裳獨憐積毀能銷
骨無那銜冤易斷腸投簡園扉思夏勝上書梁獄泣
鄒陽金門咫尺招賢地不得雄文達建章

其二

風塵日久滿燕山馬角烏頭尙未還
夢繞高堂憐白首書來香閣泣紅顏
淒涼鈴柝悲風外黯淡松楸落
昭閭極目南雲何處是羈心一夜度江關

其三

宋坐匡床引濁醪臨風愁聽角聲高
謗書何事騰三篋壯士由來泣二桃
且斷鄉關空涕泗心傷烏鳥自悲號
可憐一片江南月永夜蒼二客夢勞

其四

涼風吹雨夜窗虛木索嬰身獨起居
豈有姓名藏複壁可憐涕淚滴衣裾
初明歸思通天表孝穆哀情僕

射書惆悵慈幃新白髮側身南望一愁予

其五

壞墻寂歷鎖莓苔
兀坐槐陰迥自哀
飛雪漫傳鄒衍
恨凌雲誰惜馬卿才
異鄉節物愁中度
舊國烟花夢裏迴
何日烏啼傳大赦
秋風重接故人杯

其六

青二柱若滿芳洲迴
首家山憶昔游
父子文章推二
庾弟兄才筆說諸劉
那知眉黛悲謠詠
還使衣冠泣
纒囚聞道江東花
信好五湖歸去看
漁舟

其七

長吹玉笛到雞鳴
讀罷魚書泪滿纓
千里關河風雨

恨一堂兄妹歲時情
板輿奉母嗟潘令
鱸膾思鄉有步兵
折盡柳條歸未得
中宵腸斷闔廬城

其八

殷勤尺素勸加餐
強引清尊且自寬
伏闕何人懷白璧
當門從古忌芳蘭
山頭晞髮孫登嘯
軍府彈琴楚客冠
見說九重多雨露
擬披雲霧叩鴛鸞

聞有家信遂成

遙傳江上信
八月到燕京
故國經年別
鄉書萬里情
秋雲低驛樹
夕照下關城
極目天涯外
蕭蕭旅雁鳴

寄內二律

憶汝深閨裏
淒涼畫閣塵
有情憐蕩子
無語向尊親

明鏡雲鬟亂芳襟玉筯新迢二今夜月愁殺兩鄉人
其二

薊北秋偏早江東客未歸不知更歲序長自泣羅衣
砧杵霜華濕星河雁影稀西窗明月在腸斷是鴛機

偶成二律

高秋寒氣迥延眺獨傷心欲餉秦嘉鏡難爲莊舄吟
客愁千里外鄉夢五湖陰苦憶登臨處迢二不可尋
其二

一自辭鄉國漂搖類轉蓬刀環徒有約尊酒竟誰同
風急催寒角霜空度早鴻遙憐潞河水千折到江東
秋夜寄計甫草

槐樹沈三鼓角催愁看清露滿荒苔金風入樹秋陰
薄壁月臨窗夜色來獻賦未知聖主意行吟還使
故人來天邊鴻雁南飛急悵望江南首重回余部賦詩七月
廿六日巳呈 聖主意之句
獻賦未知

答贈丁繡夫二首

獨悼孤舟慘別顏夢魂終日繞吳關春來無限新楊
柳惆悵東風不忍攀

其二

昨歲昌亭酒相攜向碧潭誰憐一失所惜別到如今
星漢三秋隔風霜五夜深傷心看候雁何處寄歸音
寄懷袁文生黃平子二子

二子今名彥相逢意自親
金鞭曾試馬羅袂共留賓
薊北雲沙暗江東花鳥新
那堪思往事回首欲沾巾
有感三律次陳子長韻

燕山秋望迥霜露晚來多
直道原如此吾生可奈何
天寒驚歲序親老泣風波
却憶談經日淒涼橫笛歌

其三

深秋西署冷兀坐意悲哉
笑傲應憐我艱難孰愛才
異鄉嗟客久故國少書來
不作窮途哭誰知阮籍哀
其三

欲盡平生語艱辛敢自陳
已成鉤黨禍莫忌獨醒人
名辱憐詞賦時危聽鬼神
君門真萬里流慟向青

旻

送人還江南

八月霜清木葉催，天涯惜別帝城隈。
風塵作客三秋暮，鄉土驚心萬里迴。
東府山川天闕近，南徐潮汐大江來。
故園橘柚垂_二發滿目商飈迴，自哀。

送姚子上還荊州

御苑秋高樹色微，送君擁傳出王畿。
青蘋風急催征棹，白雁霜清炤客衣。
山接虎牙寒峽險，江連鵲尾暮潮歸。
却憐憔悴幽州客，矯首空嗟兩地違。

九日同陳子長飲分得十五刪

太息今年重九日，羈棲無處望秋山。
寒花炤眼傷遲

暮白雁低空獨往還西署漫傳燕市酒南冠頻泣楚
臣顏最憐舊日登高地碧嶂丹楓未可攀

卽席再用前韻答贈子長

北風驅雁度燕山落日頽垣炤客顏豈有絳囊傳令
節漫因黃菊憶鄉關陳遵意氣誰堪並沈炯漂零尙
未還無那少年俱落魄秣稭應潦倒酒徒閒

再和子長

禁城秋晚雨如絲把酒荒臺感歲時已見清霜催旅
鬢那堪斜日上花枝曲中風土羈臣淚笛裏關山客
子愁莫道舊游星散盡比來傾蓋愧君知

感寄

荒庭獨坐起悲歌
抱病誰憐在網羅
歲晚冰霜生白髮
秋來書札阻黃河
空膺賓客飄零久
庾信文章涕淚多
忽憶去年高會日
絳紗綠管正婆娑

夜坐柬陳子長

明河如練俯城頭
節序驚心迥獨愁
月色遠連吳苑樹
角聲寒動薊門秋
鄉心萬里隨鴻雁
旅病經年繫鷓鴣
惆悵逢君多難後
不堪重說五陵游

白頭宮女行

長安女尼妙音者
本崇禎時舊宮人
後出居民間
祝髮于北城之佛舍
與海昌相國居址接近
嘗出入相國家
述甲申三月及宮中舊事甚悉

秋蕭索夜火如星亂栖泊江路由來足稻梁雲間却
自多矰繳矰繳連天何處飛冰霜滿目未能歸月冷
關城哀響過風迴汀渚斷行稀可憐歲晚爭飛急羽
翻摧頽去安極拂霧宵傳紫塞書驚寒曉雜朱樓笛
誰家少婦倚朱樓忽見孤鴻淚暗流玳瑁床空紅粉
怨茱萸帶緩翠蛾愁二心幾度音塵絕擣盡寒衣向
秋月詎憐明鏡歇容華却恨在夫限城闕城闕遙二
落雁雁青蘋碧石五湖西何如長傳吳越渚不使年
二有別離

冬日同子長賦限韵立成

歲晚驅征雁時窮泣鮒魚漫憐同難久還憶結交初

越石原無罪文通未上書
白雲空在眼腸斷望鄉餘
冬夜同諸子飲方坦菴先生齋卽席賦呈
月落層城雁度哀南冠相對誓銜杯
天涯兄弟情偏苦江表山川夢未迴
穿徑已荒庾信宅思家莫上李陵臺
夜深何處吹羌笛腸斷鄉關是落梅

夜同子長過方婁岡學士賦贈

絳蠟沈三炤眼紅冰天歷三度飛鴻披帷莫厭經過
密把酒應憐患難同夾巷鼓笳喧北寺中宵星斗動
西風十年冠劍銅龍署回首君門歎轉蓬

送張繡虎南行和陳相國

經年西署相依久忽送征車恨若何
嚴譴已差同

放逐餘生那更歷風波新亭樹色臨江盡京口濤聲
到海多萬里故鄉猶在眼憐君重得暫經過

戊戌除夕偕諸子集陳素菴先生齋卽席同
直方子長賦

促漏催寒盡官梅逼歲新不堪今夜酒相對異州人
羸逐存餘齒艱難愧此身傷心瞻北斗明日帝城
春

己亥正月朔夜同子長小飲口占

條風淑景動皇州孤客相逢尚滯留萬里共傷多
難日三春誰記少年游姓名讒在悲青史門矣凋殘
累白頭遙夜思歸不成寐角聲吹徹五更愁

人日同子長賦

支離棘寺逢人日，強進芳尊倍愴神。
鳳闕綵花稀到眼，龍沙遷客自相親。
人遙南國書難寄，律轉東郊柳漫新。
忽憶去年偕計吏，正驅鞍馬大河濱。

答贈陳子長

驚座聞名久相逢，卽故知片言深契托。
九折共艱危伏，闕書難止懷鄉調自悲。
帝城春色早腸斷，向南枝。

正月九日同子長望月

客心愁不寐，坐見月華移。
只自臨遙夜，寧知異舊時。
光連關樹迥，寒入苑鐘悲。
遠憶金閨婦，顰蛾恨別離。

元夕同直方子長賦

寂寞園墻少客過聽殘更漏復如何自將杯酒酬佳節不爲艱虞廢嘯歌月繞庭柯春色靜風傳城角夜聲多遙憐燈火千門裏繹二雕輪度玉河

春雪篇

此予童時所作也今年浮繫西曹見積雪綿旬凝堦不散因記憶錄出以正素菴先生然語多忘失復爲點翰以視向製畧更四五矣先生及直方子長皆爲屬和遂併記之

玄飈吹不已一夜起嚴陰漸覺輕寒侵曉幕俄驚飄霰遍春林二端驪望光如曙六出霏二挺瓊樹祗道

尋芳鳳苑春誰知吹雪龍山暮龍山雪色舞空來沾
花拂柳自徘徊金屏夜掩疑含月綺戶晨開悞落梅
誰家小院湘簾濕幾處高樓羌笛哀數聲羌笛天如
練珠斗年光君不見積素遙含翡翠窓凝輝深炤鴛
鴦殿鴛鴦殿裏耐春寒少女妝成自倚闌歌扇半遮
憐粉薄舞衣乍點惜花殘海神昨日車輪度雪花落
盡長安路玉房密坐進蘭尊繡被薰爐分桂炷桂炷
沈一樂未央可憐春色半飄颺剪成綵勝無顏色夢
繞梨花總斷腸梨花匝樹春歸蚤鱗亂空階愁不掃
呀女何須怨白團王孫空自思芳草草色凄迷紫陌
隰那堪飛雪正紛三三時花月知何處千里瓊瑤

憶君瓊瑤滿眼難憑折黃竹哀歌自婁咽已悲搖蕩
任迴風誰惜飄零在韶月春情日莫嘆蹉跎白雪漫
天可柰何惟有東瀛雙玉馬庭前依舊散陽和

感示子長

夜靜危鏹刺漏頻客中對爾倍情親非關刀筆嚴持
法自是聲名解悞人獻弔湘潭悲宋玉竄身遼海泣
崔駟南天望處堪腸斷榆柳江皋已莫春

閏三月朔日將赴遼左留別吳中諸故人

薊門三月柳堪折玉關遷客肝腸絕結束征車去舊
鄉矯首天南恨離別憶昨胥臺事俠游才名卓犖凌
王侯黃童雅擅無雙譽溫嶠羞居第二流相將爾向

春江曲闔廬墓前草初綠綠鷓春風客似雲珠簾夜
月人如玉少年行樂恣游盤夾道飛花覆錦湍按歌
每挾茱萸女駐馬頻看芍藥欄筵前進酒題鸚鵡一
日聲名動東府擬從執戟奏甘泉耻學吾丘能格五
去年謬應公車徵駿馬高臺幾度登自許文章飛白
鳳豈知謠詠信蒼蠅蒼蠅點自由來事惹苒偏嗟罹
謗議賦就凌雲祗自憐投人明月還相棄身嬰木索
入園門白日陰沈欲斷魂北燕漫說騶生哭東海誰
明孝婦冤銜冤舛往悲何極慷慨陳詞對巖棘幽怨
空教托楚辭嚴威竟已
秦格忽承
恩譴度龍沙
邊草茫茫去路除名列丹書難指罪身投青海已無

家錦魂橋畔誰相送一曲蘆笳自悲痛皂帽慚非避
世人青山何處思鄉夢鄉心日夜繞江干江柳江花
不復攀萬重關塞行應遍十載交游見欲難從此家
山等飛藿滿眼黃雲橫大漠自傷亭伯遠投荒却悔
平原輕赴洛一向水天逐雁臣東風揮手淚沾巾只
應一片江南月流照飄零塞北人